



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De Confessione.

urn:nbn:de:hbz:466:1-41767

sunt confitendæ, quia addunt nouum peccatum: at verò solum aggrauantes non sunt necessario confitendæ, secundum probabiliorem sententiam.

33. Circumstantia igitur mutas speciem ex eo cognoscitur, quòd scilicet pertineat ad aliam virtutem, vel vitium non mutans verò speciem, ex eo quòd non transferat illam materiam ad aliam virtutem. Quæ verò in particulari transferat, vel non transferat; colligendum est ex ipsis materijs virtutum, & vitiorum. Et quidem circumstantiæ mutantes speciem, vt dixi, sunt omnino confitendæ, quia addunt nouum peccatum: at verò aggrauantes non sunt necessario confitendæ, secundum probabiliorem opinionem. Item confitendæ sunt circumstantiæ, quæ faciunt casum reseruarum,

Aliqua notanda circa confessionem.

34 **C**onfessio Sacramentalis potest esse valida in aliquo casu, sed informis, id est carens forma absolutionis, nempe si aliquis confiteatur omnia peccata

cata sua animo subijciendi illa clauibus, sed pro tunc habeat affectum ad aliquod peccatum, quod etiam ipsi Confessario aperiat, vt oret pro ipso: hæc confessio est verè sacramentalis, & valida: & cessante postea fictione, non est iteranda eidem Confessario, sed sufficit confiteri illud peccatum, ad quod vigebar affectus, & accipere absolutionem. At verò, quòd integrum Sacramentum Pœnitentiæ possit esse in aliquo casu validum, & informe; probabilius est non posse: quia integrum Sacramentum constat vera, & integra confessione, & vero dolore omnium peccatorum, & absolutione: quæ omnia si concurrant, sequetur infusio gratiæ, & ita erit Sacramentum validum, & formatum. Sacramentum autem esse validum, & informe nihil aliud est, nisi habere omnes suas partes essentielles cum intentione Ministri, & voluntate recipientis, & tamen non habere effectum gratiæ: quod in Baptismo, & alijs Sacramentis potest contingere propter obicem, seu indispositionem subiecti; at in pœnitentiâ non potest, quia dis-

positio subiecti est pars essentialis Sacramenti pœnitentiæ.

35. Si quis malè confiteatur, quia vel malitiosè non confitetur omnia mortalia, vel non habet dolorem culpabiliter, nec propositum emendationis; peccat mortaliter peccato sacrilegij, & tenetur reiterare confessionem. Quòd si contingat in sequenti confessione obliuisci huius sacrilegij inculpabiliter, facta confessione omnium aliorum peccatorum; absoluetur ab omnibus peccatis, etiam ab illo sacrilegio, cum onere tantum repetendi illam confessionem priorem inuvalidam, quando id rescierit, non autem repetendi alias confessiones subsequentes validas. Quare duæ sunt conditiones omnino necessariae ad validam confessionem adæquatè: nempe vt sit integra, modo supradictò, & vt sit dolorosa, id est cum sufficienti dolore.

36. Non potest fieri confessio absentis Sacerdoti, & ab illo absente recipi absolutio: vt iam per Sedem Apostolicam decretum est. Si quis tamen vocaretur ad absoluendum aliquem moribundum,

qui

qui petijt Confessarium, si alij id testifi-
centur, etiam si ipse moribundus nullũ
signum præbere possit, debet illum ab-
soluere præsentem.

37. Dicere mendacium in confessio-
ne, non semper est mortale: nisi quando
vel esset integra materia confessionis,
vel pertineret ad materiam necessariam,
ita vt reddat confessionem inualidam:
alioqui per se est veniale.

38. Non debet pœnitens reuelare in
confessione complicem sui peccati in
materia graui, vndè alioqui sequeretur
grauis infamia illius apud Confessariũ,
qui ipsum nouit, aut facilè cognoscere
potest. Non est tamen illicitum illum
reuelare Confessario, quando hoc es-
set necessarium ad integritatem confes-
sionis, & non esset commodum, aut ex-
pediens, quærere alium Confessarium,
qui illum non nouit: quamuis pro-
babile sit, etiam in tali casu, posse o-
mitteri tale peccatum secundum id, ex
quo sequeretur complicis reuelatio, re-
manente confessione integra formali-
ter, donec veniat commoditas confi-
tendi tale peccatum explicitè cum alio

Confessario. Potest etiam reuelatio cō-
plicitis esse licita propter aliquam utilita-
tem ipsius, aut aliorum, Prudentis iudi-
cio. De qua re *Suar. tom. 4. in 3. part.*
disput. 34. sect. 2. Diana par. 1. tract. 7. re-
sol. 40. tenebitur tamen in eo casu Con-
fessarius sub sigillo confessionis ad se-
cretum seruandum : nec potest v i tali
notitia absque licentia pœnitentis. *Sua-*
rius ibidem sect. 3.

De Satisfactione.

39 **S**atisfactio, quæ est pars integralis
Sacramenti debet esse in ieiunijs,
elemosynis, orationibus, pœnitentijs,
& alijs operibus pijs, iuxta qualitatem
peccatorum, & pœnitentium : pro ve-
nialibus tamen potest iniungi quælibet
leuis pœnitentia ad arbitrium Confes-
sarij, cum de illis non sit pœna taxata.
Non est necesse, vt pœnitens sit in gratia
quando facit pœnitentiam, licet non
habeat fructum pœnitentiæ, nisi sit in
gratia.

40. Debet Confessarius, semper ali-
quam pœnitentiam imponere : & si pœ-
nitens